



Bibliographische Daten

Titel: Programma Ad Exequias Foeminae Piae, Honestae Ac
 Ornatissimae Veronicae, Viri Praestantis Ac Integerrimi Henrici
 Maieri, Academiae Altdorfinae Typographi, Uxoris Dilectae,
 Propositum Publice Die Mensis Novembris XII MDCLXXVI.
Ersteller: Johann Saubert
Signatur: Will. V. 1016. 4°

Die Nutzung der Digitalisate von gemeinfreien Werken aus den Sammlungen der Stadtbibliothek im Bildungscampus Nürnberg ist gemäß den Bedingungen der [Creative-Commons-Lizenz Public Domain Mark 1.0](#) uneingeschränkt und kostenfrei erlaubt.

Im Sinne guter wissenschaftlicher Praxis wird gebeten, bei der Verwendung von durch die Stadtbibliothek im Bildungscampus überlassenen Digitalisaten stets die Quellenangabe in folgender Form zu verwenden: Stadtbibliothek im Bildungscampus Nürnberg, [Bestandssignatur + Blatt/Seite]

Im Interesse einer laufenden Dokumentation und der Information für Benutzerinnen und Benutzer erbittet die Stadtbibliothek die Überlassung von Belegexemplaren oder Sonderdrucken von Veröffentlichungen, die aus der Benutzung von Handschriften und anderen Medien in den historischen Sammlungen der Stadtbibliothek hervorgegangen sind. Sollte eine Abgabe nicht möglich sein, wird um Mitteilung der bibliographischen Daten der Publikation gebeten.



Fferenda hodiè ex typographéo nostro

Academico est spectata probitatis & natæ hinc memorabilis laudis Fœmina VERONICA MAIERIA: ex eo, inquam, loco, ubi nos istius officinæ gloriosâ operâ usi, à Libitinæ injuriis ereptos ingenii fœtus in immortalitatem asserere solemus, quos nobis, ultra plebejarum animarum sortem nonnihil altius evectis, reliquos propicia Minerva fecit. Docendi scilicet vel hoc etiam exemplo sumus, in mediis contendendi ad gloriam virtutis viâ conatibus nos à fatali Necesitate velut injectâ manu reprehendi his verbis: (more Fortunæ à Philosophia Boëtiana in theatrum productæ,) *An in solo typographéo jus exercere prohibebor? Nos ad clementiam moribus nostris alienam plumbeæ vestræ literulæ alligabunt? Hac nostra vis est, hunc continuum ludum ludimus.* Nempè sapientissimus DEUS noster nos non tantùm *ut pilas homines habet*, ceu priscis illis, è Platonis ludo prodeuntibus, discipulis loqui visum est; sed etiam ut typos, alios è theca in usum & famam hominum promendos, alios condendos, rursus alios usu tritos in splendorem dandos, deniq; si per ipsius quidem inexplicabilem in genus humanum benignitatem staret, ad unum omnes, adornando vasto illi volumini aptandos, quæ ille apocalyptico spiritu incandescens Johannes vidit à dextris ejus, qui insidebat throno, intus & à tergo scriptum, obsignatum sigillis septem, neminiq; omnium neq; in cælo, neq; in terra, neq; subter terram aperiendum, neq; inspiciendum, prætereum, qui vicit Leo ex tribu Juda, stirps Davidis. Sed nos quidem, ab interiore admisione visendi istius mystici libri prohibiti, satis habemus in præsens per speculum in ænigmate vidisse VERONICÆ nostræ nomen, quod in cælo aureis iisq; literis, quibus tota illa cœlestis Hierosolyma exsplendescit, scriptum esse confidimus, & monito Servatoris nostri obtemperantes gaudemus.